

三才廣志

廣志卷六百四十二

易考

魏王弼注易 大衍論 易畧例

魏志鍾會論易無互体三陽王弼好論儒道辭才遠辨注易及老子荀融難弼大衍義王濟云王弼易注所誤者多 孫盛曰雖有可觀恐泥大道 隋志周易十卷魏尚書郎王弼注六十 四卦六卷 太常韓康伯注繫辭以下三卷弼又撰易畧例一卷梁有周易難王輔嗣義一卷 晉顧夷等撰宋書顧悅之難王弼易義四十餘條 閔康之申正難顧盡神論一卷魏鍾會撰梁有周易無互体論三卷亡 唐志王弼注七卷

又大衍論三卷國史志王弼易論一卷大類畧
例而不及中興書目弼有易辨一卷或言晉
得之王羲之承詔錄歲祕府繫辭注王弼曰
演天而地之數所賴者五十也正義曰韓氏親
受業於王弼唐詩注畧例叙曰大則總一
部之指歸小則明六爻之得失承秉逆順之理
應變情偽之端用有行歲辟有險易明彖明文
通變明象辨位上卦畧凡十一卦下二篇以辨
諸家之惑陸澄曰王弼注易元季所宗今若
弘儒鄭注不可廢自商懼之雖有異家之學
同以象數為宗數年後乃有王弼之爻顧惟明
僧詒劉歆以下十人並注繫辭為易陰者三人
王肅李軌徐逸蜀才人多不知顏之推云范

長生也

晉周易論

隋志晉阮渾二卷晉宋岱一卷齊周顒十卷說
輔嗣之出於馬鄭馬鄭又出於費氏古文易
康成注本無乾傳太傳字輔嗣加以卷首之
卦題曰傳离為六篇 伏曼容曰何晏疑易中
九事 孔穎達曰輔嗣之意象本釋經宜相
附近分爻之象肆各附雷爻則費氏時猶若今
乾卦彖象繫卦之末歟古文始變於費氏太亂
於王弼

魏易傳

魏志正始六年十二月辛亥詔司徒王郎所作
易傳令李者得以課試子肅撰定閭駟注易傳

釋文序剝王肅注十卷釋文引王肅本

西都有丁孟子京田東都有荀劉馬鄭

吳虞翻易注

隋志虞翻注九卷釋文序錄十卷陸績注十卷
序錄十三卷梁有周易日月變例六卷虞翻陸
績撰 吳志虞翻注易奏曰夢道士布易六爻
撓其三以飲臣言易道在天三爻足矣

晉周易統畧

隋志鄭湛統畧五卷楊乂卦序論一卷唐志云
統畧論三卷 御覽引楊乂易卦序論云儉而
止山也儉而動全也

晉易象論

劉琰傳時孫盛作易象妙於見形論論曰聖人

之觀焉不足以達變故表圖應於蒼龜圖應不
可爲典要故寄妙迹於六爻簡文帝使殷浩難
之不能屈悞與抗荅辭甚簡至甚理遂屈
稽康作言不盡意論殷融作象不盡意論何襄
城爲六象之論曰賁象曰假象曰偏象曰貞象
曰義象曰用象肅氏又難之不取偏象圖象而
立四象之論

晉干寶易傳

隋志干寶易注十卷唐志同周易爻義一卷
書目寶之易季以卦爻配月或配日時傳諸人
事以前世已然之迹證之訓義頗有據

晉張璠集解

經典序錄張璠集解十二卷東晉秘書郎參著

作集二十一家解序云依向秀本 鍾會為易
無互体論向秀庾運為易義應正為明易論荀
煇張煇王宏阮或阮渾為易義楊乂為易卦序
論王濟衛瓘為易義樂肇為易論鄒湛為易統
略杜育楊瓚張軌為易義宣舒為通知未歲往
論邢融裴藻許適楊藻並為易義 七錄云序
二十八家七志云十卷釋文引張璠本

周易義例 隋文中子讚易

梁有三十卷范氏四卷晉樂肇周易象論三卷
唐志一卷楊乂卦序論一卷 唐志鍾會周易
論四卷應吉甫明易論一卷阮長成仲容難答
論二卷宋處宗通易論一卷宣聘通易象論一

晉范仲淹上李泰伯易論十三篇禮論七篇明堂
定制圖序一篇平上書三篇共二十四篇為十
卷

晉周易畧譜

舊唐志一卷袁宏撰周易譜一卷沈能撰
周易四家集解

隋志馬鄭二王四家集解十卷楊氏集二王注
五卷梁朱异集注一百卷又三十卷南史孔
子祛續朱忌集注周易一百卷

朱震曰鄭氏傳馬融之學多論互体陸績學始
論動爻王弼破互体

荀爽九家集注

序錄荀爽九家集注十卷不知何人所集稱荀

樊者以為注故也其序有荀爽京房馬融鄭玄
宋衷虞翻陸績姚信翟子元為易義注內又有
張氏朱氏並不詳何人釋文引九家說卦釋
文引荀爽九家集解隋志荀爽九家注十卷
唐志荀氏九家集解十卷荀爽曰乾起坎而
終於离坤起离而終於坎离坎者乾坤之象而
陰陽之府

謝萬韓伯袁悅之桓玄下伯玉荀柔之徐
後魏閔子明易傳

書目閔子明易傳一卷唐趙蕤注魏孝文使并
州策史王虬與子明著疑筮論數十篇蕤云亡
篇過半今無能詮次但隨文解義庶學者觸類
而長阮逸詮次刊正同經傳五卷閔子明

以生資育為傳以釋其蘊為經論十一篇又為
圖以序其象文中子錄子明事大末末未穆公與
談易言于孝文帝帝曰且與卿就成筮論子明
曰乾坤之策陰陽之數推而行之不過三百六
十六演而伸之不過三百八十四天之道也象
生有定數吉凶有前期變而能通故治亂有可
易之理王氏易道宗於子明 晁氏志閑即字
子明大和末王虬言于孝文召見著成筮論數
十篇唐趙蕤云恨書亡半隨文銓解才十一篇
李邕鄭始著之目云王通贊易蓋宗此也 子
明易傳卜百年義第一次以統年易義大衍乾
坤策盈虛闔闢理性時變動靜神義終於雜義

梁周易講疏

見後 梁武帝撰周易講疏及六十四卦二繫
文言序卦等篆元帝周易講疏十卷

晉周易訓注

儒林傳劉兆字延世撰周易訓注以正動二休
互通其文 文苑傳李充注尚書及周易旨六
篇 隋志晉李頤周易卦象數旨六卷北史李
鉉字宝昂撰定孝經論語毛詩三禮義疏及三
傳異同周易義例合三十餘卷 文中子中說
王通字仲淹讚易七十篇讚易道以伸先師之
旨

唐七十六家易

藝文志經錄一曰易頤七十六家八十八部六

百六十五卷始於連山次以歸藏若周易則有
卜筮之傳二卷孟喜京房費直馬融荀爽之章
句四十四卷鄭玄劉表董遇宋忠王肅王弼虞
翻陸續姚信荀煒蜀王廙干寶黃穎崔浩崔觀
何胤盧 王又玄王凱冲韓康伯謝萬桓玄
荀諲荀柔之宋褰任希古之注荀氏九家馬鄭
王二張璠之集解注義疏者有宋明帝梁武帝
張該肅偉肅子攸張譏何妥褚仲都梁蕃劉歆
孔穎達陸德明陰弘道著論者有王弼玄宋之
大衍張璠鍾會范氏應吉甫鄒湛阮長成阮仲
容宋處宗宣聘樂肇袁宏楊乂文義則于宝音
譜則沈熊新注本義則薛仁貴發揮則王勃終
於玄宗大衍論不著錄十一家三百二十九卷

始於李鼎祚集注有東鄉助物象釋疑一行論
大衍玄圖義決崔良佐忘象元載集注李吉甫
注一行易衛元嵩元包高定外傳終於裴通之
書盧行超之義陸希聲之傳 隋志六十九部
五百五十一卷始於歸藏 崇文目一十八部
一百七十八卷始於歸藏終於言象外傳
中興書目一百一十二家七百六十七卷續目二
十七家三十四部三百五卷 釋文序錄後漢
費氏吳而高氏遂微永嘉之亂施氏梁丘之易
傳孟京費之易人無傳者唯鄭康成王輔嗣所
注行於世而王氏為世所重繫辭已下相承以
韓康伯注續之

志正義十六卷舊志十四卷書目十四卷園子
祭酒孔穎達顏師古司馬才章王恭太學博士
馬嘉運助教趙乾叶王談于志寧等奉詔撰四
門博士蘇德融趙弘智覆審宋朝端珙元年十
月祭酒孔維等校正正義有八論易之三名
重卦之人三代易名卦辭爻辭誰作分
上下二篇太子十翼傳易之人誰加經
字序云傳易者丁孟京田荀劉馬鄭太休更相
祖述雖有絕倫唯魏世王輔嗣之注獨冠古今
江左諸儒並傳其學河北學者罕能及之江南
義疏十有餘家皆辭虛玄義多浮誕隋志
周易義疏十九卷舊唐志二十卷宋明帝集群
臣講於清暑殿詔伏曼容執經又於羊林園舍

方諸 梁又有國子講易義六卷宋明帝集
群臣講易義疏二十卷齊永明國學講周易講
疏二十六卷又沈林周易義三卷周易講疏三
十五卷大義二十一卷繫辭義疏一卷梁武帝
撰唐志大義二十卷 釋文引梁武帝去文言
是王文所制 舊唐志周易太義二十卷又義
疑文二十卷梁武帝撰講疏十六卷梁緒仲都
撰義疏十四卷繫辭義疏三卷蕭子政撰義疏
十六卷周陳弘正撰繫辭義疏二卷乾坤義一
卷劉歊撰講疏三十卷陳張譏撰南史張譏周
易義三十卷又十三卷何妥撰北史云三卷
唐志宋明帝注義疏二十卷張該等群臣講易
疏二十卷唐志宋群臣講易疏二十卷張該等

注梁武帝大義疑問二十卷蕭偉發義幾義各
一各梁蕃文句義疏二十卷又開題論序疏十
卷釋序義三卷陸德明周易文之義疏二十四
卷文外大義二卷隋志上云大義陰弘道周易
新傳疏十卷薛仁貴新注本義十四卷盧行超
易義五卷國史志莫震周易義略十卷亦曰
疏何氏講疏十三卷崇文目周易正義補闕
七卷中興目邢琦補闕正義略例疏二卷
晁說之曰易雜莊老而專心明事則自王弼始
易家始失其所傳梁丘施孟三家於是亡於晉
而孟京有書無師矣江左祖上玄虛弼季滋盛
然晉專立鄭玄孫盛詆弼之傳會浮麗宋元嘉
王鄭西立顏誕之為祭酒而黜鄭置王弼之王

學大盛河北專祖鄭隋士淳龐暮弼之季唐因之古法始泯

唐周易太衍論

志玄宗周易太衍論三卷又一行易論卷亡又大衍玄圖一卷義決一卷大衍論二十卷李吉甫注一行易亡舊史李吉甫討論易象異義附於一行集注之下王弼大衍論三卷舊史一行撰大衍論三卷劉禹錫辨易九六論引一行大衍論一行論三微而一象中興目一行易傳十二卷元闕者四卷一行作曆專用大衍之策議曰著數之變九六各一乾坤之象七八各三六子象之爻數通乎六十策數行者二百四十大衍為天地之樞如環無之端蓋律曆之大

紀也者以七條卦以八周郭雍曰一行之學取
三多三少之象以畫奇耦 太衍之數五十其
其用四十有九京房謂五十者十日十二辰二
十八宿一不用者天之生氣馬融云北辰居位
不動荀爽曰初九潛龍勿用故用四十九姚信
董遇云天地數五十有五其六以象六畫鄭玄
云五行減五太衍又減一故減之用四十九王
弼曰其一不用以其虛不用而用以之通非以
數而數以之成斯易之太極子夏曰不一用者
太極也孔穎達曰虛一以象虛無之氣 乾鑿
度曰日十干者五音也辰十二者六律也星二
十八者七宿也凡五十 正義曰天數二十五
總合五奇之數地數三十總合五偶之數乾之

策二百一十有六者以乾老陽一爻有三十六
策六爻凡有二百二十六策也乾之少陽一爻
有二十八策六爻則有一百六十八策此經據
老陽之策也坤之策百四十有四者坤之少陰
之爻二十四策六爻故一百四十四策也若坤
之少陰一爻有三十二爻則有二百九十二
此經據坤之老陰也 韓氏注曰乾一爻三十
六策取其過揲四分而九也坤一爻二十四策
取其過揲四分而六也 閔子明大衍義曰夫
數兆於一生於二成於三此天地人之所立也
衍於五成於六偶於十此五行六爻十日所以
錯線也天下之數兆也雖明其兆未可以用也
此二數之生也有生則滋乃可以推之也天三

數之極也極乎終則反乎始無兩之義也五行
水生乎一成乎六云云天一必待地六而成之
二必待天七而成之其體雖五而成必六六者
非他天地生成之謂也天數五地數五五者非
他三天兩地之謂也地二天三合而為五其一
不用者六來則一去也既成則無生也生有終
必有始既有則無去矣於無既終則始去矣故
太衍五十其用四十有九入有去無之謂也物
不兩大必曰虛盈日往月來晝極則夜建盈於
此則虛於彼盈於小必虛其大此用所以不窮
也程子曰數始於一備於五小衍之而成十
大衍之而為五十五十數之成也成則不動故
損一以為用朱震曰一者體也太極不動之

數四十有九者用也。兩儀四象分太極之數，總之則一散之則四十九，非四十有九之外，復有一而其一不用也。四有十九者，七也，故爻用六，著用七，卦用八，玄用九十，即五也。十盈數不可衍也。朱文曰：公大衍之數五十，蓋以河圖中宮天五，乘地十而得之，至用以筮則又止用四十有九。乾之策二百八十有六，坤之策百四十有四，凡三百有六十，當期之日。二篇之策萬有一千五百三十，當萬物之數也。朱文公曰：策數生於四象，二篇為上下經，凡陽爻一百九十二，得四千六百八，策合之得此數。唐仲友曰：大衍通於範乎五行，隱而皇極，虛斯太衍之義。

數增一損一則不可操陳高曰大衍自虛其一
劉牧曰天一居尊而不動 胡瑗曰陰不可過
於陽地數三十之中去其六策歐陽子曰太衍
占法也數出於自然而不測四十有九是也通
用於變而無窮七八九六是也 邵子曰太衍
聖人之倚數也五十著數六十卦數五者著之
小衍故五十為太衍八者卦之小成則六十四
為大成著德圖以況天數故七七四十九五十
者存一言之卦德方以況地數故八八六十四
六者十去四言之 天數二十五合之為五十
地數三十合之為六十著用數卦體數以體為
基故存一体以用為本故去四圓者本一方者
本四大衍之數其筭法之原乎 郭雍曰此用

數揲著之法龔缺曰五十總四十九之成數又
合而為一此著之體四十九自分而為三言此
著之用 楊廷秀曰虛其一者復歸于一也所
謂易有大極 程迥曰天地之數極于十各五
位有合故衍之為五十五十總數其一即會五
十之全体 劉敞曰衍天之參則為三 衍地
之兩則為二十一者乾坤所不用乾積三以為
九故老陽九坤積二以為六故老陰六少陽七
者益一於老陽少陰八者益一於老陽 劉氏
曰動靜一源顯微無間知四十九為一之用即
知一為四十九之體或以干支辰宿八卦陰陽
求合五十之數恐非
分而為二以象兩卦一以象三揲之以四以象

四時歸奇於劫以象潤五歲再閏故再劫而後掛是故四營而成易十有八變而成卦

唐集注周易

志李鼎祚十七卷元載一百卷 書曰集解十卷序亦云十卷唐志誤唐著作郎李鼎祚集子夏孟喜京房馬融荀爽鄭康成劉表何晏宋衷虞翻陸績千宝王肅王輔嗣姚信張虞張璠向秀王凱冲侯果蜀才翟元韓康伯劉瓛何妥崔憬沈麟士盧氏崔觀孔穎達等凡三十餘家附以九家易乾鑿度凡十七篇其所取荀虞之說為多取序卦冠之卦首案崇文總目云大抵以卦互体緣爻索變蓋本易家師承之旧云七篇逾晁氏志十卷其序云自卜商之後傳注百家

唯王鄭相公頗行於世鄭多參天象王全釋人事易道豈偏滯于夫人哉天象難尋人事易習折揚黃華學徒多從之今集諸家刊輔嗣之野文補康成之逸象以貽同好蓋宗鄭學者也李燾云晁祚自序云上十卷無亡失略例仍舊經未經皆避唐云

唐易傳

志陸希声周易傳二卷書目六卷案後說云著十篇易傳傳上經為第一篇又撰為第二篇又有演文伸繫等八篇又撰易圖一卷指說一卷釋變微旨各一卷通為十卷又文證一卷非十編之目今惟存上下經傳分為六卷微旨分為三卷朱震曰陸氏削去天象自謂彌縫其闕

諸音以發其辭體正如子雲作太玄併孝者為
建易之梯階

唐周易發揮

志王勃五卷 王勃傳嘗夢有告者曰易有太
極子勉思之寤而^作易發揮數篇晉卦會病止
文中子世家文中子贊易七十篇列為十卷
唐周易元包傳

志衛元嵩元包十卷後周人唐蘇源明傳李江
注書目同 李江序文質更變篇題各異夏曰
連山殷曰歸藏周曰周易而唐謂之元包其實
一也包者歲也言善惡吉凶是非得失皆歲其
書也李江謂六五經四八易雖太玄莫之與京
崇文目元包十卷太陰太陽少陰少陽仲陰仲

陽孟陰孟陽運著說源一本無說源第十卷
晁氏志坤為首因八卦世變為六十四卦之次
又著運著說源二篇統言卦体不列爻位自云
周易元包也元包以坤為首乾後之義祖歸
藏宋乾道中張行成以蘇李徒言其理未達
其數著元包數總義二卷

唐易圖 易外傳

高定傳定高郢子通王氏易為圖合八出上圖
下方合則重轉則演七轉而六十四卦六甲八
節備焉志高定周易外傳二十二卷

隋志梁有周易乾坤三象周易新圖各一卷周
易譜一卷唐志云沈熊譜一卷雜音三卷袁宏
譜略二卷薛景和譜玄圖八卷

唐易書

志裴通易書一百五十卷通士淹子文宗訪以易義今進所撰書通自祭酒改詹事

謝上知通有易學因訪以精義仍命進所習經本著易元解并總論二十卷易禦寇十二卷易洗心二十卷國史志裴通周易元解三卷常凱傳著易緼解推演終始有深誼

唐周易新義

會要太和元年六月直講徐勣上二卷志薛仁貴新注本義四卷國史志李翔易銓三卷

唐周易物象釋義

志周易物象釋疑一卷書目一卷唐守江陵易東卿助撰其說以象之所生生於義也有斯

義然後明之以物如以龍叙乾以馬明坤之類
未注疏未釋者標出

唐周易舉正

書目三卷崇文目同唐蘇州司戶郭京撰其序
言得王輔嗣韓康伯手寫定本比校今所習者
或將經入注用注作經小象中間以下句反居
其上爻辭注內移後義却處于前無有脫遺兩
字顛倒謬誤者並依定本舉正其訛總一百三
十五處二百七十三字晁公武易解多引用之

唐周易開玄闕

流演

啟源

易軌

其棠

正義

晁氏志唐蘇鷄撰周易開玄闕一卷自序去五
代祖晉製八卦論編簡尚有存者畧演其旨如

此成玄英撰周易流演五卷錯綜六十四卦演
九宮以直年月日道歲錄之蔡廣成撰周易啟
源十卷凡三十六卷史証撰口訣彖七卷抄錄
注疏便講習偽蜀蒲乾貫撰易軌一卷專言流
演其序云可以知否泰之源察延促之數蓋數
學也 崇文目周易其崇正義三十卷任正一
撰穎上孔達為本甘棠者正一為陝州司馬故
名其書

唐太易

志道家張志和太易十五卷 張志和傳著太
易十五篇其卦三百六十五 乾鑿度有太易
未見氣太初氣之始大始刑之始太素質之始

先天圖

陳搏以傳種放放傳穆脩脩傳李挺之挺之傳邵雍雍有方圖二圖圖雖無文吾終日言而未嘗離手是蓋天地萬物之理盡在其中矣先天學心法也故圖皆自中起萬化萬事生乎心也先天圖中環中也先天學主乎誠先天之數自一而二自二而四自四而八乾兌離震在左巽坎艮坤居右乾南坤北以定上下離東坎西以列左右未震未熹蔡元定張行成申其說本義在伏羲四圖其說皆出邵氏 貞外為陽方中為陰 李挺之變卦反對圖八篇六十四卦相生圖一篇

伏羲之卦先天也文王之卦後天也

書目三十三卷崇文目同昭素以王緯注易及孔馬疏義或未盡乃著此論徐徽剛其略為易論要纂十卷

開寶三年知制誥李穆薦王昭素召見便殿昭素著易論三十三篇時年七十餘太祖賜坐令讀乾卦召宰臣薛居正等觀之至九五飛龍在天昭素對曰此又正當陛下今日之事此書非聖人出不能合其象三月辛亥拜國子博士賜茶藥及二十萬番月餘遣之晁氏志以注疏義同互相詰難蔽以己意崇文目云取諸家之善參以其言折衷之胡旦有易演聖通論十六卷多引注疏及王昭素論為之商榷

天禧易樞 易筌 證聖簡

天禧二年七月戊寅富順監言李見撰易樞十卷詔附驛以聞書目阮逸易卷六卷凡三百八十四卷晁說之易規十一篇晁氏志天禧中諤昌撰證陸簡一卷其書類郭京奉正如震卦彖辭內云脫不喪七鬯四字程正叔取之漸卦上六疑陸字誤胡翼之取之自謂其學出於李處約許堅

皇祐周易折蘊

旨要

皇祐三年九月二十二日評事孫坦上折蘊十卷帝嘉其勤博四年五月知益州田況上太常丞伐淵著周易旨要二十卷丙午以為祠部外郎至和元年十二月十八日宋或上注周易十卷詔褒諭治平三年四月乙丑工部

侍郎皇甫泌上所著周易稽義賜帛 國史志
任奉古周易發題一卷一卷周易正經明疑錄
一卷不知撰人

周易言象外傳

書目十卷崇文目同侍講王洙撰凡十二篇序
云論次舊義傳以新說以王弼傳為內擿其異
者表而正之故云外也紹興中沈該小傳六卷
每卦別為一論

治平周易圖義

書目二卷治平中葉昌齡撰以劉牧鈎隱圖之
失遂著此書凡四十五門牧撰易數鈎隱圖一
卷采摭天地奇耦之數自太極生兩儀而下至
於河圖凡六十四位點之成圖於圖之下各釋

其義凡四十八圖黃黎猷受於牧撫為畧例一卷隱訣一卷吳秘受於黎猷作通神一卷以釋鈎隱奏之凡三十四篇常豫撰易源一卷

熙寧周易圖

熙寧九年五月二十二日宗子克顏進周易圖與圖克進孝經傳詔褒之

周易傳

胡瑗翼之易傳十卷門人倪天隱所纂非其自著故序首稱先生鄭缺楊庭周易傳十卷二姚嗣宗謂劉牧之孝受之吳秘秘受之朱熹又作明數明象明傳明道次例明範五篇邵雍言缺竊其孝於王豫沈括亦言朱之孝似雍云陸東瑞缺意本十卷寶元二年奏邵邵古天

史周易解五卷古雍之父劉牧張氏易十卷書
目劉牧新注十一卷慶曆初吳秘獻其書詔獎
之田況為序言數者崇之又鈎隱圖三卷書目
一卷又卦德通論一卷徐庸易蘊一卷以春
秋凡例易亦有之著書九篇號意緼凡例總論
其學祖劉牧陸象 代淵易論二十卷皇甫
泌周易述闕隱訣補解各一卷精微一卷石
介守道周易五卷王逢易傳十卷解于侁
子駿周易經斷七卷本王弼劉牧而時變其非
宋咸易訓三卷自序謂既以補注奏御而男億
請餘義百餘篇因名易訓呂太防周易古經
三卷凡十二篇無解釋蘇軾東坡易傳十一
卷父洵作易傳未完述以成書張載橫渠易說

十卷程氏顯易十卷序曰易變易也隨時變易
以從道也推辭考卦可以知變象與沾在其中
矣朱文公曰交易為体往此來彼變易為用時
靜而動 邵傳義盡程演周經 王安石易象
二十卷龔原注二十卷耿南仲注二十卷 張
弼易十卷頗宗鄭氏 房審權周易義海一百
卷集鄭玄王安石凡六家摘取專明人事者熙
寧中 晁說之以道古易十二卷又太極傳外
傳因說 朱震子發易集傳十一卷易圖三卷
叢說一卷自謂學以程頤為宗會邵雍張載之
論合鄭玄王弼之孝牛師德先天易鈐太極寶
局二卷 石汝礪乾生歸一圖二卷 王湜易
學一卷潛心邵學 郭忠孝兼山易解二卷頗

明朱數

張汝明易索十三卷

凌唐佐易集

解十卷

沈該周易小傳六卷

晁公武易故

訓傳十八卷採古今諸家附以己聞

胡銓易

傳拾遺十卷宗主程說時出新意 呂祖謙繫

辭精義二卷

楊萬里誠齋易傳二十卷 林

黃中周易經傳集解三十六卷 淳熙中表進

項安世周易玩辭十六卷 程迥易章十卷外

占法古易考各一卷世稱沙隨易 蔡淵周

易訓解大傳易說易象意言 魏子翁周易集

義六十四卷

麻衣道者正心易法一卷李潛

序朱文公為以戴師愈所作 周敦熙作太極

圖說及通書四十章 郭雍著易中庸之書十

餘萬言易說著卦辨疑中興書目雍易解十一

卷卦辭旨要六卷

紹興御書周易泰否卦

紹興五年十月十一日庚戌右相張浚入見上
親 周易否泰卦賜之浚奏自古小人傾陷君
子莫不以明黨為言臣嘗考泰之初九拔茅茹
以其彙征象以為志在外蓋言其志在天下國
家非為身故也否之初九拔茅茹以其彙征象
以為志在君則君連類而退蓋將以行善道而
未始志憂國愛君之心焉觀二爻之義而考其
用心則朋黨之不改而自破矣臣又觀否泰之
理起於人君一心之微一念之正其畫為陽泰
自是而起矣泰念之不正其畫為陰否自是而
起矣泰之上六三陰已盡復變為陽則小人在

外而泰所由而生爲二十五年八月以所著否
泰卦解義進之奏曰其事本諸一心 高宗書
乾卦賜侍講秦梓

紹興易說

六年林儵乞上所著易書詔給事中朱震詳問
震言用功至勤仍今明州給札錄其所著易說
及天道大備書爻卦纂集等合二十六卷上之
二月甲辰儵循資方堂除 八年六月五日李
授之上易解除直秘閣 十五年十月二十七
日劉翔進易解 十六年吳沆進易璇璣三卷
二十七篇四月十七日郭伸上易解二十七年
九月彭方上周易義解十冊神授易圖四冊太
極歌一冊易證詩一冊義父圖二軸館本看詳

謂潛心象數訓釋淹貫詔補上州文奉 三

十年三月七日宋大明上周易解 詔吳初朱

震撰為易傳十一卷卦圖三卷叢說一卷表云

傳九卷上采漢魏吳晉元魏下逮有唐及今

詔吳中晁說之周易太極傳六卷外傳一卷因

說一卷說之從楊賢室得康節先生自為易圖

二為作傳甲種名曰商瞿傳 李衡撮要十二

卷

詔興易變体

續書目易變体十六卷詔吳中吏部郎中繫進

謂筮有某卦之某卦為變体如蔡墨言潛龍勿

用不曰乾作九而曰乾之姤言龍戰于野不曰

坤上六而曰坤之剝此謂變体自乾之姤至未

清之辭以意演之文為一篇凡三百八十四篇

紹興大衍圖

十七年四月左迪功郎吳迪進大衍圖虞茂令
秘省詳之

紹興揲蓍古法

紹興中鄭克武子撰一卷以今之言揲蓍法者
或不取四營成易不待三變成爻而謂之小衍
或不揲右手所分不數小指所卦而謂之新譜
故列旧法使有可據 程迥有揲蓍說詳

淳熙易書

淳熙八年八月五日知開州呂熒之上易書四
十卷上問輔臣周必大奏曰此本邵雍之季蜀
人張行成推衍之疑之必請李于行成上曰行

成所著頗畧必大曰凝之配年以卦爻所以加密
乾道二年六月四日以行成進易可采除直
微猷閣行成有述衍十八卷通爻四十卷以易
數生於衍因先釋繫辭之說而後折衍法窮原
流流命曰述衍即雍之系祖於象數二圖其用
皆起於爻爻則變今演解之命曰通變

淳熙周易集解 圖

十一年四月二十六日知潭州林栗進經傳集
解三十四卷繫辭上下二卷文言說卦序雜本
文共為一卷河圖洛書八卦九疇大衍總會圖
六十四卦立成圖大衍揲著解共為一卷總三
十六冊詔付祕省敕書獎諭 二年曾種粟程
頴熙張翥酢游揚時郭忠孝雍七先生之說為

大易粹言十卷

李榕云易以九居五六居二為當位而多艱
以六居五九居二為不當位而多吉蓋君以
剛健為體而虛中為用臣以柔順為體而剛中
為用君以虛中行其剛健臣以剛中守其柔順
則上下交而其志同矣 程迥云以六居五以
九居二為卦十有六雖為時不同其十有五皆
吉謂人君柔中虛已而任剛德之臣其臣亦以
剛中應之唯常卦則不然常後所應漢元帝似
之 張掄為易卦補遺其言曰易以初上二爻
為定體以中四爻為變系辭謂之中爻先儒謂
之互體所謂雜物撰德辨是是非入卦互成剛
柔相易之道非此無見焉坤五坎曰師而長子

帥師之象蓋出乎震艮也坤曰謙而用 大川之
象蓋出乎坎雷在天上大壯而曰羝羊有兌存焉明
入地中明夷而曰蒙唯有坎存焉 張浚易解
并雜記共十卷論易數曰太極一也兩儀三之
也分為二而七八九六之數五十有五此天地
之中數也論剛柔之義曰君道主剛而其義也
用柔故乾動則為坤矣臣道主柔而其動也用
剛故坤動則為乾矣 朱震曰變動之別其傳
有五曰動爻卦變互体五行納甲而卦之變中
又有變焉程頤主理 震主數

淳熙易李昉象 本義

朱文公熹 淳熙四年易本義成十二卷又為
諸圖凡首為五贊原象稽類 述旨警孝 明

星及至儀附于末音義二卷十三年三月易本
啓蒙成四篇以本圖書卦原畫明著策考爻占
為次又有著卦考誤擇著之法見於大傳郭雍
為著卦辨疑三卷蓋謂瓊家小失其指而辨之
者又大失焉說愈多而法愈亂 考誤畢氏中
和擇法視瓊義為詳論三擇皆非一正合四營
之義唯以三擇之卦初分指於三指之間為小
誤然大數亦不差易本為卜筮而作其言皆依
象數以斷吉凶令其法不傳諸儒言象數者皆
穿鑿言義理者大汙漫故其書難讀此本義啓
蒙所以作也先天之奪魏伯陽闕見其意陳搏
始發其秘丹傳為邵雍方圓圖皇極經世諸書
朱震張行成朱文公蔡元定申其說郭中孝得

李挺之卦變論有得焉

李舜臣易本傳三十三篇述坎離之後中起校震
巽之偏而不中謂含本卦而論他卦為不然謂
其卦從某卦來為妄復剛長而以日云者幸其
至之速臨陽消而以月云者幸其消之速

說天地定位山澤通氣雷風相薄水火不相

射八卦相錯邵子曰此伏羲八卦之位乾南坤
北離東坎西兌居東南震居東北巽居西南艮
居西北於是八卦相交而成六十四卦所謂先
天之序也帝出乎震齊乎巽相見乎離致役乎
坤說言乎兌戰乎乾勞乎坎成言乎艮邵子曰
此卦位乃文王所定所謂後天之序也

元豐五年汲冢呂大防始定周易古經分上經
下經上彖下彖上象下象繫辭上下各二篇文
言說卦序卦雜卦各一篇凡十二篇靖國中萬
山晁說之亦注古文易并十二為八以卦爻彖
象文言繫辭說卦序卦各為一篇睢陽王氏東
萊呂氏亦各定為十二篇呂祖謙更定經二卷
傳十卷而音訓則門人王莘史所筆受也祖謙
因晁氏書參考傳記復定為十二篇其後九江
周燾又自改更次序并諸家之說不類故言古
易者為五家吳仁傑集為一卷仁傑亦分為十
篇 洪興祖謂漢以來諸儒所傳各有師承
唐陸德明著音義無存別本諸儒各以所見去
取今以一行所纂古子夏傳為正而以諸書附

著其下為易古經考異釋疑一卷讀書目 朱
震曰今易乾卦至乾自用九即古易之本文
晉汲冢竹書有周易上下經二卷 朱子曰易
有象然後有辭筮有爻然後有占

漢楊雄太玄

本傳雄草太玄雄以為經莫大於易作太玄傳
莫大於論語作法言太玄五千文說十餘万言
雄大覃思渾天參摹而四分之極於八十二旁
則三摹九摺極之七百二十九贊觀易者見卦
而名之觀玄者數畫而定之玄首四重者非卦
也數也其用自天元推一畫一夜陰陽數度律
歷之紀九九大運并天終始故玄三方九州二
十七部八十一家二百四十三表七百二十九

贊分為三卷曰一二三為泰初歷相應亦有顯
頊之歷為推之以三策注三三而分之間之以
休咎辨之以象類播之以人事文之以五行揆
之以道德仁義礼智無主無名要合五經苟非
其事文不虛生為其曼惠不可知故有首衝錯
測攤堂數文捫圖告十一篇以解剥玄体離散
其文章句尚不存焉或謂以尚白作解詡有難
玄太深作解唯拒諱謂雄書必傳侯芭受太玄
法揚氏本自玄首已下至玄告凡十一篇並漢
宋衷解詁吳陸績釋而正之為述玄並依舊本
分贊辭為三卷一方為上一方為中三方為下
次列首衝錯測攤堂數文捫圖告十一篇晉范
望叔明始合為十卷為之解以玄首一篇加經

贊之上玄測一篇附逐贊之末餘自玄衝已下
至玄告九篇列為四卷三家義訓互有得失
虞翻以宋氏解玄頗有謬錯更為立注并著明
揚釋宋以理其滯法言或曰玄何為曰為仁
義勿雜也董烏九齡而弁我玄文藝文志儒
家揚雄所序三十八篇太玄十九張衡傳常
耽好玄經謂崔瑗曰吾觀太玄方知子雲妙拙
道數乃弁五經相擬非徒傳記之屬使人難論
陰陽之事漢家得天下二百歲之書也後二百
歲殆將終乎所以作者之數必顯一世常然之
符也漢四百歲玄其興矣注桓譚新論曰揚雄
作玄書以為玄者天也道也言聖賢制法作事
皆引天道以為本統而因附續萬類王政人事

法度必改義氏謂之易老子謂道孔子謂之元
而楊謂之玄子雲止云太玄經非其自稱太玄
經三篇以記天地人之道立三体有上中下如
禹貢之陳三品三三而九因以九九八十一故
為八十一卦以四為數數從一至四重累變易
竟八十一而徧不可損益以三十五揲著之玄
經五千餘言而十二篇選注引張衡玄圖曰玄
者無形之類自然之根作於太始莫與為先又
引楊雄太玄賦 蜀志李譔著太玄指掌 魏
志王肅從宋中讀太玄更為之解 吳志陸凱
好太玄論演其意以筮輒驗 隋志十卷蔡文
即注十四卷虞翻注十三卷陸凱注七卷王肅
注九卷宋衷注梁有九卷楊雄自作章句亡

唐志陸續注十二卷虞翻注十四卷范望注十
三卷范望贊曰桓譚謂之絕倫張衡以擬五經
非諸子之疇也宋衷陸續各以淵通之才窮
道為十篇解釋宋仲孚一作子注具十二
卷蔡文邵注十卷唐王涯為說法五篇一卷人
注六卷負做大玄幽贊十卷開元四年京兆重
子負倣進太玄幽贊十卷紫微省召試賦頌及
第書目許洞演玄十卷其說分三紀二体上
紀甲首丙尾日月迭居以辨數中紀丙首戊尾
男女異政以辨位下紀庚首癸尾山川冲氣以
辨德二体曰範曰緯章答太玄圖一卷慶曆中
撰又發隱一卷始序雄出處本末著玄之意中
陳準易造玄之法末論玄之妙以適變通司馬

光集漢宋衆解詁吳陸績續釋文音范望解贊
唐王涯注經及首測王朝宋惟幹注解陳漸演
玄吳秘音義凡七家又時出己意為集注六卷
晁說之以先天太玄曆邵雍玄圖合而譜之為易
玄星紀譜二卷陳漸陞玄七卷有玄統述策紀
鑄鍊畧各一篇彈誤二篇玄圖一篇玄箱一篇
字摹十六篇張行成翼玄十二篇行成曰太玄
義取於運山元包義取于歸藏李沂集解義訣
十卷集宋陸范王并撰推法占法又為圖并雜
說總十五篇徐庸玄蹟一卷僧全營太玄略例
一卷 國史志徐庸注太玄經十二卷張齊太
玄正義統論一卷釋文玄說二卷宋殘音一卷
師望玄鑒十卷陳漸演玄七卷本十卷其間多

言星曆自樊三卷前世多詆太玄自王涯著說
發明淵奧其李遂盛 晁氏志宋惟幹太玄解
十卷惟幹得太玄古本于昭應咸平中知滑臺
取宋陸范三家訓解別為之注仍作太玄宗昔
兩篇附于後其李蓋師田告司馬公所謂小宋
者也景德元年五月庚子直昭文館宋惟幹上
新注十卷付史館幹一作翰徐庸注太玄經十
卷慶曆間章啓太玄經注十四卷既三十卷皇
祐五年閏七月二十五日章啓上太玄經法意
隱三篇章啓一作張啓太玄經解十卷并發隱
三卷釋文一卷嘉祐中成都守蔣堂獻其書詔
獎之陳漸演玄十卷凡四十篇漸傳書著十五
篇號演玄奏之漸謂法言解嘲止云太玄然則經

非其自稱弟子侯苞之徒尊之耳集注陳氏曰
經非子云自稱侯苞之徒尊之耳張樞太玄淵
旨一卷皇祐四年九月甲寅丁度上張樞修馬
太玄經鄭元享太玄經疏十八卷元享自淳化
未迄祥符八年撰成又云太玄潤色於君平未
知何所據 吳陸績述玄曰雄建立玄經每聖
人同趣雖周公繇大易孔子脩春秋不能是追
唐王涯說玄五篇明宗立例擇法占法辨首
說玄曰八十一首擬乎卦九贊之位類夫爻易
以八八為數其卦六十有四玄以九九為數其
首八十有一易之占以爻玄之筮以逢數有陰
陽而時有晝夜首有經緯而占有旦夕參而得
之謂之逢四位成方州部家以一生二方以三

生九州以九生十七贊故有七百二十九贊其
外所羸二贊以備一儀之月數玄之首也始於
中中之始也在乎一一之所配自天元甲子朔
旦冬至推一晝一夜終而後始天元二十七首
中至事地元二十七首更至混人元二十七首
減至養馮元以宋陸諸家章句失雄旨獨王涯
稍近作釋文篇一

司馬光讀玄曰玄以贊

易易天也玄為之階說玄曰易每太玄大抵
道同而法異易畫有二曰陽曰陰玄畫有三曰
一曰二曰三易有六位玄有四重方州却家傳
謂參摹而四分之極於八十一易以八卦相重
為六十四卦玄以一二三錯於方州却家為八
十四首易每卦有六爻合為三百八十四爻玄

每首有九贊合為七百二十九贊皆當養之日
易卦起於中孚除陽震兌坎四正卦二十四爻
主二十四氣外其餘六十卦每卦六日七分凡
得三百六十五日四分日之一中孚初九冬至
之初也順上九大寧之末也周而復始玄七百
二十九贊每二贊合為一日一贊為晝一贊為
夜凡得三百六十四日半益以踦贏二贊成三
百六十五日四分日之一中初一冬至之初也
踦贏二贊大寧之末也亦周而復始易有元亨
利貞玄有周直蒙首冥易大衍之數五十其用
四十有九玄天地之策各十有八合為三十六
策地則虛三用三十三策易擇之以四玄擇之
以三易有七九八六謂之四象玄有 一二三

謂之三摹易有象玄有首易有文篇易有象玄

有測易有文玄有文易有繫辭玄有雜彖觀

圖告易有說卦玄有數易有序卦玄有衝易有

雜卦玄有錯珠塗有同歸不慮而一致皆本於

太極兩儀三才四時五行而歸於道德仁義禮

也邵雍觀物外篇曰落下閔改顓曆為太初

曆子云準太初而作太玄凡八十一卦九分其

二卦凡一五隔一四細分之則四分半當一卦

氣起於中心故首中卦揚雄作玄可謂見天地

之心又易準圖序曰玄之於易猶地之於天也

朱震準易圖曰太玄之作為太初相應十一

月甲子夜半朔冬至而無該顓帝之曆首十月

發明連山之旨首艮以準周易為八十一卦凡九分

共一卦一五隔一四細分之則四分半當一日
準六十卦一日卦六日七分也中中孚也律曆
之元始於冬至卦氣起於中孚其書本於下連
山首艮踦羸二贊有其辭而無其卦而附之於
春者以閏為虛也蘇洵論曰太玄之策三十有
六虛三而三十有三月為求易之通也欲去其
踦與羸加其首之一分損其著之三策又總例
曰雄好奇務深始之以十八策中之以三十六
終之以七十二積之以二萬六千二百四十四
唐仲文曰雄最知大衍數者故玄教曰三八
為木四九為金二七為火一六為土五為土玄
圖曰一六共宗二五共朋三八成火四
九同道五五相守不言五十為土五五十

相字者知藏五之為大衍也 肅該漢書音義
衡作衡又案別錄告下有玄問一篇合十二篇
今脫一篇嘉祐二年十一月己亥二十七日吳
泌上注太玄及音義 紹興十三年八月二十
三日王鉉上太玄經解義

晉通玄經

王長文傳著書四卷 名曰通玄經有文言
卦象可用上筮時人比之太玄同郡馬房曰楊
雄作太玄惟拒譚以為必傳後世晚遭陸績玄
道遂明長文通玄經未遭陸績君山耳隋志梁
有通經二卷晉王長元撰楊子太玄

經十四卷晉楊泉撰儒家

潛虛

司馬光著潛虛一卷曰氣曰体曰性曰名曰行
曰命以凶吉咸否平為所遇之占玄以準易虛
擬以玄萬物皆祖于虛易之卦始於太極玄之
首始於一元虛之行始於土行易之卦無河洛
之數玄之首得河圖之九數虛之行得洛書之
數句皆協韻如易象文象玄首贊測有曰卦玄
曰首虛曰名卦有爻首有贊名有變二体四位
十等之象八物五行身生成之數乾中玄之所
以始一三五之所以虛身擇法占法若異實同
光又為易說三卷注辭繫辭二卷朱熹以范仲
彪別本補潛虛之闕張行成為潛虛衍義十六
卷章分句析後截行成所續不韻 晁氏志以五
行為本五五相乘為二十五兩之得五十首有

氣體性名行變解七圖然其辭有闕者蓋未成也 太玄潛虛或以四十五變八十一或以五十五變一百楊氏之太玄八十一首閔氏之洞極二十七象司馬氏之潛虛五十五行

太玄準易圖

太玄集解

邵雍太玄準易圖序夫玄之於易猶地之於天也天主太極而地總元氣元氣轉而為三統在玄則謂之三元三元轉而為九州九州轉而為二十七部二十七部轉而為八十一首首有九贊贊分晝夜而剛柔之用見矣故玄之贊七百二十九而有奇以應三百六旬有六日之度蓋本出乎元氣而作者也太極生兩儀兩儀生四象四象生八卦八卦因而重之為六十四故易

有乾坎艮震巽離坤兌八卦以司八節又以坎
離震兌四正之卦二十四爻以司二十四氣以
復臨泰大壯乾垢遯否觀剝坤十有二卦以
司七七二候節也氣也候也既各有統矣然周
天之度未見其所司也於是又去四正之卦分
取六十卦引而伸之為三百六十爻各司其日
則周天三百六十度而寒暑進退之道陰陽之
運備矣蓋本乎太極而作者也由是觀之則天
地各有生成之數而相為表裏之用天故數西
行上承而左轉者在地之元氣也地數東行下
順而左運者在天之太極也太極運三辰五星
於上元氣轉三統五行於下此所謂成變化而
行鬼神者也所謂玄之於易猶地之於天者如

斯而已準而作之不亦宜乎若夫分天度列次
含序氣候明卦爻壯首贊位列八重先以夜贊
布諸外然後晝贊首位爻象候卦氣卦宮分度
數次諸內復會於辰極而玄易顯仁藏用之道
循乎數者可見矣是故始於上元甲子天正朔
旦日躔牛宿之初後四千六百一十七年復會
於大初之上元者元之贊也自上元甲寅青龍
之首氣起未濟之九四後三萬一千九百二十
年復會於太極之上元者易之爻也原始要終
究其所窮則体用雖殊其歸一而已矣 晁說
之易玄星紀譜後序曰子雲初為久玉易而作
玄始託基於高辛及太初二歷此二歷之斗分
微弱不可下通於今亦無足議溫公又本諸太

初歷而作玄歷康節先生玄圖布星辰辨氣候
分晝夜而易玄相參於中乃朝筆夜思取曆書
圖合而譜之於是知子雲以首準卦未出於其
私意蓋有星候為之機括 張揆傳上所著太
玄集解數萬言召對通英閣今揆著得斷首且
言準易之失蓋以陽剛決陰柔君子進小人退
之象仁宗悅擢天章各待制兼侍讀慶曆七年
十月集賢脩撰張揆召見延和殿壬寅朔以為
待制